

14
 in temperiē nullus aditus fuit. Maximū omnium flumen, cum per varias plu- A
 resq; feratur regiones, magnos flexus facit, quandoq; ad orientē & Arabiam,
 quandoq; ad occidentē & Libyam fluens. Eius decursus ab Aethiopiā mon-
 tibus usq; ad mare, stadia duodecim fermē millia cum eius flexibus complecti-
 tur. Facit autem insulas in Aethiopia cum plures alias, tum maximē unam
 insignem, nomine Meroen: ubi duorū & uiginti stadiorū latitudinem habet.
 Ab inferioribus uerō locis arctior est, cursu eius in duas partes diuise. Harū
 unam, quæ in Libyam defluit, uasta profundaq; absorbent arene. Quæ con-
 trā in Arabiam fertur, in paludes ac stagna ingentia, quæ circum uariā inha-
 bitant gentes, flectitur. Aegyptum ingressus, tum decem stadiorum, tum pau-
 ciorum latitudine, nō recto cursu uarios flexus agit, nunc orientem, nunc oc-
 cidentem uersus, quandoq; in meridiem contrario delatus cursu. Sunt mon-
 tes ab utraq; fluuij parte protensi, conuallibus & angustis præcipitijs interie-
 ctis: in quæ magno impetu lapsus, rursus tanquā ui repulsus per campos fun-
 ditur, ad meridiem spectans, usq; ad locum Efficanum nomine: & naturalem
 deinceps repetit cursum. Tam insignis fluuius, solus omnium absq; fluctibus
 quietus est & tranquillus, præterquam cum fertur inter cataractas, locus est la-
 titudine stadiorum decem, ac liuis, præceps in angustum, clausus inter con-
 ualles: ubi frequentia saxa scopulis similia aquam magna uertigine mirabiliq;
 allisam reflectunt, inq; contrarium cursum spumis agunt redundantibus.
 Quæ res stuporem aspicientibus præbet. Est enim ita uelox hoc in loco aquæ
 decursus, ut sagittæ similis uideatur, cum augetur aquarum incremento Nilus:
 ideoq; leniore cursu aqua supereminente scopulis, quidam per cataractas nau-
 uibus uento contrarij descendunt: ascendendi nulla est facultas, ut fluminis
 omne hominum ingenium superante. Cataractæ plures sunt, sed maxima in
 Aethiopia atq; Aegypti finibus sita. Complectitur fluuius insulas plurimas,
 sed præcipuam Meroen, in qua est urbs insignis insulæ nomine, quam Cam-
 byses condidit, à matre eius denominata. Huius insulæ forma scuti per similes
 magnitudine superat cæterās Nili insulas. Patet enim longitudine stadijs tri- B
 bus milibus, latitudine mille. Ciuitates in ea sunt plures, sed cæteris nobilior
 Meroe, à cuius uno latere Libyam uersus plurimi arenæ cumuli, ab altero ad
 Arabiam posito præcipitia montis insulam cingunt. Effodiūt in ea aurum,
 argentum, æs, ferrum. Hebenum insuper fert, lapidumq; multiplex genus.
 Tot autem Nilus insulas continet, ut fermē sit incredibile. Nam præter eum
 locum quem à forma loci appellant Deltam, ferunt alias quoq; in eo insulas
 circiter septingentas esse: harum quasdam ab Aethiopijs incoli, miliumq;
 in eis ferri. Quasdam serpentibus ac cynocephalis, uarijsq; feris syluestribus in-
 festas, ac propterea accessu difficiles. Nilus in Aegypto in plures scissus partes,
 eam formam quam Deltam dicunt, efficit. Profundiorum fluuium reddat ma-
 ris ingressus, septem ostijs in pelagus delatum. Horum primum ad orientem
 uergit, quod Pelusiacum uocant: secundum Taniticū, deinde Mendescum
 uocant, Phatniticum, Sebenniticum, Bolbitinum: ultimum Canopicū, à non-
 nullis Herculeum nominatum. Sunt & alia ostia manufacta minimē præter-
 eunda. In eorum quolibet urbs sita est diuisa flumine, pontibus ab utraq; par-
 te exitus & custodijs munita. Ab ostio Pelusiaco fossa est opere sumptuoso ad
 Arabicum sinum ac rubrum mare ducta. Hanc primum à Nechao Sammaty
 chi filio agi cœptam, Darius Persarum rex perficere aggressus, imperfectam
 reliquit: admonitus à quibusdam, si locus interiacens effoderetur, fore uti Aeg-
 yptus omnīs, cum mari rubro esset depressior, ab aquis mergeretur. Secun-
 dum postmodū Ptolemæus illam perfecit, opportuniore loco fossam summa ar-
 te efficiēs. Hanc cum nauigare cuperet, aperiebat: eam rursus cum usus esset,
 claudens. Flumē quod in fossam defluit, à nomine authoris Ptolemæū uocāt.
 In exitu ciuitas cōdita est, Arlinoe appellata. Ea quam Delta diximus, similis
 Siciliæ